



**KOMMUNALBESTYRELSIP
IMMIKKUT ITTUMIK ATAATSIMIINNERA
PINGASUNNGORNEQ 9. OKTOBER 2024 NAL. 11:00**

Peqataasut:

1. Palle Jerimiassen (AT), borgmesteri
2. Jens Ole Nathanielsen (IA), borgmesterip tullia siulleg
3. Sakio Fleischer (S), borgmesterip tulliaata aappaa
4. Aqqalu C. Jerimiassen (A)
5. Knud Kleemann (A)
6. Lena Ravn Davidsen (D)
7. Bendt B. Kristiansen (IA)
8. Niels Davidsen (IA)
9. Anthon Frederiksen (N),
10. Jens Napâtok' (N)
10. Ane Qujaukitsoq (S)
12. Elisabeth Nielsen (S)
13. Jakob Petersen (S)
14. Jens Kristian Therkelsen (S)
15. Jørgen Kruse (S)
16. Margrethe Christensen (S)
17. Timotheus Petersen (S)

Imaqarniliortoq:

~~Nick Nielsen, pisortaaneq~~ (sulinnigiffeqarpoq)
Dorthe L. Mathiesen, aningaasaqarnermut pisortaq

Immikkut aggersakkat:

Pisortaqatigiit

Oqalutsit:

Ataatsimeeriaaseq:

Teamsikkut

| KOM | QULEQUTAQ | BILAG |
|-----|---|-------|
| 090 | Illassutitut aningaasaliissutissanik qinnuteqaat, Innaarsunni eqqaavissuup imaarneqarnissaa | 001 |
| 091 | Nakkutilliinermut nalunaarusiaq | 002 |
| | | |
| | | |
| | | |
| | | |
| | | |

Aaliangiineq:

| Sag nr. | Sammasaq | Bilag nr. | 001 |
|---------|---|--------------------|-----|
| KOM 090 | Ilassutitut aningaasaliissutissanik qinnuteqaat, Innaarsunni eqqaavissuup imaarneqarnissaa | Journal nr. | |

Uteqqiineq:

2024-imut sanaartugassanut missingersuut Kommunalbestyrelsip akuersissutigimmagu ilanngunneqarpoq Aappilattuni eqqaavissuup imaarneqarnissaa. Innaarsunni eqqaavissuup imaarneqarnissaa pilersaarutini ilaammat, neqeroortitsinermi eqqaavissuup imaarneqarnissaa taanna aamma ilanngunneqarpoq, tamannalu aningaasanik amerlanerusunik pisariaqartitsivoq. Aningaasaqarnermut Ataatsimiititaliamut inassuteqaataa uani aaliangiiffigineqassaaq.

Suliamik saqqummiussineq:

Aappilattuni Innaarsunnilu eqqaavissuit imaarneqarnissaat pillugit september 2024-imi neqeroortitsisoqarpoq. Neqeroortitsinermi qitiutinneqarpoq Aappilattuni eqqaavissuup imaarneqarnissaa, Innaarsunni eqqaavissuup imaarneqarnissaa qinigassatut periarfissatut ilanngunneqarluni (option).

Suliariumannittussarsiussisoqarnerani Aappilattuni Innaarsunnilu eqqaavissuit imaarneqarnissaanut neqeroorummik tigusaqartoqarpoq. Neqeroorummut allakkat ilannguneqarsimasut naapertorlugit suliaq tamaat isumagineqassappat kr. 384.000-inik akikilliliisoqarsinnaasoq allassimavoq, tassa sumiiffinni marluusuni imaarsinissat maannakkut isumagineqartuuppata. Taamaalilluni Aappilattuni Innaarsunnilu eqqaavissuit imaarneqarnissaat 2024-imi isumagineqarsinnaavoq.

2024-imi aningaasat kr. 1,6 mio. immikkoortinneqarput AappilattuMi eqqaavissuup imaarneqarnissaanut. Taamatullu ingerlatsiveqarfimmiit 2025-imut missingersuutit siullermeerneqarnissaanut siunnersuutigineqarpoq kr. 1,6 mio.-it immikkoortinneqarnissaat Innaarsunni eqqaavissuup imaarneqarnissaanut atugassat. Aningaasat 2024-imut nuunneqarnerisigut eqqaavissuullu imaarneqarnissaata siuartinneqarneratigut aningaasanik sipaartoqarsinnaavoq.

Iluarsiissutissatut siunnersuut – suliamik nalilersuineq

2024-imut aningaasaliissutit Aappilattuni eqqaavissuup imaarneqarnissaanut atugassat, Aappilattunuinnaq naammapput. 2025-imut siunnersuutigineqarpoq Innaarsunni eqqaavissuup imaarneqarnissaa.

Ingerlatsivimmiit siunnersuutigineqarpoq aningaasat 2025-imiit 2024-imut nuunneqassasut, Aappilattuni Innaarsunnilu eqqaavissuit ataatsikkut imaarneqarnissaat pisinnaaqullugu, taamaalillunilu aningaasat sipaarlugit suliasat ataatsikkoortinneqarnerisigut.

Ingerlariaqqinnissaq

Taamatut nuussinissaq ataatsimiititaliap akuerissappagu, taava Aningaasaqarnermut ataatsimiititaliamut Kommunalbetyrelsimullu suliasaq ingerlateqqinneqassaaq.

Tamatuma kiongorna taava suliffeqarfiutilimmut neqerooruteqarsimasumut isumaqatigiissut atsiorneqassaaq, Aappilattuni Innaarsunnilu eqqaavissuit 2024-imi imaarneqarnissaat pillugu.

Aningaasatigut kinguneqaatissat:

Ilassutitut aningaasaliissutit kr. 1 mio.-it qinnutigineqarput Innaarsunni eqqaavissuup imaarneqarnissaanut atugassat. Siunnersuutigineqarpoq aningaasat taakku 2025-imi eqqagassalerinermit aningaasaliissutissanit tiguneqassasut, taamaaliornikkullu aningaasat kr. 384.000-it sipaarlugit.

Aningaasaqarnermut Ataatsimiititaliap aaliangernissaanut tapiliussaq.

Illassutissat akuerineqarpata missingersuutit imatut isikkoqalissapput ukioq 2024-mi.

| | OPR 2024 | OMP 2024 | TB 2024 | KOR 2024 | FORBRUG | REST BUDGET | FORBRUG I % |
|--|-----------------|---------------|----------------|------------------|--|----------------|---------------|
| Allaffisorneq | 160.829 | 0 | 12.759 | 173.588 | 108.745 | 64.843 | 62,6% |
| Teknikkimi | 45.876 | 0 | 3.342 | 49.218 | 32.237 | 16.980 | 65,5% |
| Inuusutissarsiormi | 24.268 | -4.507 | 10.749 | 30.510 | 21.053 | 9.457 | 69,0% |
| Ilaqutareeqarnermi | 328.092 | -400 | 15.659 | 343.351 | 210.127 | 133.224 | 61,2% |
| Inerisaanermi | 308.337 | 600 | 3.700 | 312.637 | 184.362 | 128.275 | 59,0% |
| Pilersuinermi | 24.620 | 0 | 2.958 | 27.578 | 10.847 | 16.730 | 39,3% |
| Ingerlatsinikkut aningaasartuutit | 892.021 | -4.307 | 49.167 | 936.881 | 567.371 | 369.510 | 60,6% |
| Sanaartukkani | 89.320 | 0 | 15.400 | 104.720 | 0 | 104.720 | 0,0% |
| Ingerlatsineq sanaartornerlu | 981.341 | -4.307 | 64.567 | 1.041.601 | 567.371 | 474.230 | 54,5% |
| Isertitat | -1.113.927 | 0 | 14.430 | -1.099.497 | -684.097 | -415.400 | 62,2% |
| Nikeraartaasut sioqullugit | -132.586 | -4.307 | 78.997 | -57.896 | -116.726 | 58.830 | 201,6% |
| Nikeraataasut | 67.012 | | 0 | 14.150 | Aningaasaatit missingersuutit malillugit kr. 86,2 mio.-miissasut naatsorsuutigineqarpoq | | |
| Inernerusoq | -65.574 | -4.307 | 78.997 | -43.746 | | | |
| Ukiup aallartinnerani aningaasaatit | 42.404 | | | 42.404 | | | |
| Ukiup naanissaanut aningaasaatit | 107.978 | 4.307 | -78.997 | 86.150 | | | |

Missingersuutilerinnermut inatsimmut uani tamakiisumik takutinneqartumik naapertuuppoq. Aammalu Kommunalbestyrelsip aningaasaateqarnermut minnerpaafiliusnaanut 5%-mut naleqqiullugu aningaasaatissatut missingersuutit aningaasartuutit naleqqiullugit 8,2%-miilluni.

Kinguneqaatissat:

Eqqagassalerinnermut pilersaarummik eqqaavissuarmillu imaarsinissamik siuartitsineq kr. 400.000-ningajannik sipaarutaassaaq.

Inatsisitigut toqqammavigisat:

- Kommunalbestyrelsip ataatsimiinnera 21. december 2023, 2024-imi sanaartugassanut missingersuut pillugu
- Kommunalbestyrelsip ataatsimiinnera 22. januar 2024, sanaartugassat 2024-imut nuunneqartut pillugit

Suliarinnineq:

Teknikkeqarnermut ataatsimiititaliaq
Aningaasaqarnermut ataatsimiititaliaq
Kommunalbestyrelsi

Teknikimmut Ataatsimiititaliap aaliangerera:

*Allattoqarfiup Teknikkeqarnermut ataatsimiititaliamut inassutigaa:
Ataatsimiititaliap ilassutitut aningaasaliissutissaq kr. 1 mio.-nik aningaasartalik, 2024-imi Innaarsunni
eqqaavissuup imaarneqarnissaanut atugassat akuerissagai*

Aaliangerneq:
Inassuteqaat akuerineqarpoq.

Aningaasaqarnermut Ataatsimiititaliap aaliangerera:

Teknikkimut Ataatsimiititaliap Aningaasaqarnermut Ataatsimiititaliamut inassutigaa

Teknikkimut Ataatsimiititaliap aaliangerera ilalerneqassasoq

*Allattoqarfiup Aningaasaqarnermut Ataatsimiititaliamut inassutigaa kr. 1.6 mio.-nit Aappilattumi
eqqaavissuup imaarneqarnissaanut aningaasaliissutit Sanaartornermut missingersuutiniik Pilersuiner
missingersuutitut aammalu ilassutaasussat ilanngullugit nalunaarsuisarnermut maleruaqqussaat
naapertorlugu ilanngullugu akuerissagaa.*

Aaliangerneq:**Inassuteqaat:**

Aningaasaqarnermut Ataatsimiititaliap Kommunalbestyrelsimut inassutigaa

Aningaasaqarnermut Ataatsimiititaliap aaliangerera ilalerneqassasoq

Ilanngussat:

Bilag 001-01: Neqeroorut
Bilag 001-02: Ilassutitut aningaasaliinissaq pillugu qinnuteqaat

Aalajangiineq

| | | | |
|----------------|--|--------------------|------------|
| Sag nr. | Sammissaq | Bilag. nr. | 002 |
| KOM 091 | Nakkutilliinermut nalunaarusiaq | Journal nr. | |

Uteqqiineq:

Isumaginninnermi Nakkutilliisoqarfik Avannaata Kommuniani inatsit atuuttut malillugit nakkutilliivoq. Nakkutilliinermi inuit innarluutillit tapersorsorneqarnissaannut inatsit tunngavigalugu Ilulissani, Uummannami, Upernavimmi kiisalu Qaanaami innarluutillit sullinneqarnerat pillugit nakkutilliisimanermi nalunaarusiamik suliarineqarsimasumik saqqummiussaqaqput, nalunaarusiarlu tunngavigalugu allattoqarfik Ilaqutariinnermut ataatsimiititaliaq suliariaqqinnissamik aaqiissutissatut siunnersuummik akuerissassanngorlugu saqqummiussaqaqpoq. Uanilu Aningaasaqarnermut Ataatsimiititaliaq suleriussissamik inassuteqaataa Kommunalbestyrelsimut aaliangiiffisassanngorlugu ingerlateqqinneqarpoq.

Suliap saqqummiunnera:

Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfiup ataani Nakkutilliinermik Ingerlatsivik piffissami 1. september 2023-miit 13. november 2023-imut nalunaaruteqaqqaarluni nakkutilliartorsimavoq, Avannaata Kommuniani inunnut innarluutilinnut tapersiisarnerup iluani kommunalbestyrelsip ingerlatsineranut aamma isumaginninnermut inatsisit allaffissornikkut aqunneqarnerannut nakkutilliineq ingerlanneqarsimalluni. Nakkutilliinermik Ingerlatsivik 27. maj 2024 Nakkutilliinermik nalunaarummit allaqqitassamik Avannaata Kommunianut nassiussivoq, allaffissornikkut 1. juli 2024 akissuteqarfigneqartumik. Nakkutilliinermik Ingerlatsivik ulloq 25. juli 2024 inaarutaasumik nalunaarusiaq Avannaata kommuanianut nassiussivoq, inaarutaasumillu nalunaarusiaq kingusinnerpaamik qaammatit marluk qaangiunneranni pissutsit nakkutilliinermik nalunaarusiami uparuarneqartut iluarsiiiffiginarlugit kommune qanoq iliornini pillugu, Nakkutilliinermik Ingerlatsivimmut allakkatigut nalunaarummik nassiussisussanngorpoq - tassalu ulloq 25. September 2024.

Nalunaarusiami eqikkaaneq:

”Meeqqanut inersimasunullu suliassani misissorneqartuni tamaginni isornartoqarput isumannartorujussuullunilu suliarnik suliarinnittarneq, aammalu Nakkutilliinermik Ingerlatsivimiit ersarippoq, ataqatigiissakkamik sullissarneq, suliarnu tamakkerlugu isiginnineq amingaataasut. Uppernarsaatiniq amingaataanerat aammalu suliarni iliuuseqarnernut uppernarsaatissaqaqannginneq pissutaallutik suliarni ataasiakkaat paasisimaarilennissaat ajornakusoortoq piffissamillu atuinartarluni innarluutilinnut sunniuteqartumik. Tassunga ilanngullugu suliarni arlalinni takuneqarpoq, innarluutillit tapersorsorneqarnissaannut inatsit malillugu tapersiinissaq pillugu aalajangiisoqartartoq, tamatumunnga uppernarsaatiniq suliarniittoqarani. Tamatuma saniatigut pisuni arlalinni innuttaasumut tamanna pillugu allaganngorlugu aalajangiisoqarsimanera takuneqarsinnaanngilaq aammalu akulikippallaamik suliarni paasinarsisitsinnaasunik journalini allattuisoqartarsimanani.

Qulaajaasimanginnerit, iliuusissanut pilersaarutit amingaatigineri, illersuisoqarsimanginnerit, nalunaarutiginninnernut tiguneqartunut naleqquttumik malitseqartitsisimanginnerit aammalu inuit innarluutillit akuutinneqartarsimanginnerisa, kingunerisaannik takujuminaappoq 1) siullermik, inuup innarluutaa suussuserneqarsimanersoq aammalu unammilligassat tamatuma ulluinnarni malitsigisartagai, aamma 2) aappaattut, eqqortumik naleqquttumillu tapersiinissamut akuersissuteqartoqarsimanersoq, kiisalu 3) pingajuattut, tapersiinerup akuerineqarsimasup naliliiviginissaa.

Avannaata Kommuniata innarluutilinnut sullissinerani amingaataasartut aammalu kukkuluttuuteqartarnerup pilersitaanik kommunimi suliassanik suliarinnittartut amerlanertigut innarluutilinnut suliassat akornanni pingaarnersiunissamik ajornakusoortitsinerannut aamma tunngavissiiimasinnaasoq. Nakkutilliinerup ingerlanerani aamma paasineqarpoq kommuni sumiiffinni ataasiakkaanut inunnut innarluutilinnut suliarnut tunngassuneqartunik allattuiiffinnik tamakkiisumik nutartigaasunik pigisaqanngitsoq. Sumiiffimmiit sumiiffinnut kommunimi sullissinerup pitsaassusaa malunnaatilimmik assigiinngissuteqarpoq, aammalu

sulisut ilinniakkatigut tunuliaqutaat, kiisalu sulisut isumaginninnermi suliaqarnerup iluani misilittagaqarnerat, sullissiniarnerup pitsaassusaanut annertoorujussuarmik sunniuteqarluni.

Pissutsit ataatsimut isigalugit taamaannerat Nakkutilliinermik Ingerlatsiviup isornartorujussuurtut nalilerpai, tassami inuit innarluutillit arlallit ukiuni arlalinni kommunimit ilisimaneqartuupput.”

Nakkutilliinermik Ingerlatsivimmiit allaqqitassiamik nassiusoqarnerata kingorna, Avannaata kommunia oqaaseqaatinik nassiusisinnaatitaaneq malillugu, ilassuteqarnikuuvoq aammalu sulianut tunngatillugu nutartingassanik suliaqarluni, kiisalu aamma naqqiissuteqarluni. Ilaatigut piffissap taassuma ingerlanerata nalaani Avannaata Kommunian suliniutinik assigiinngitsunik aallartitsimavoq sullissinnermi sulianik pitsanngorsaattissanik, nittartangarlu nutartersimallugu.

Iluarsiinissamut siunnersuut – sammisanut tunngatillugu nalilersuineq

Nakkutilliinermi Nalunaarusiami isornartorsuineq annertoq atuarneqarsinnaavoq. Isornartorsiuutigineqartut aaqqiiviginiarlugit iliuuseqarfingeqarsinnaasuni suliniarnerit aallartinneqarput. taamaattorli sullissineq pitsaanerusoq anguneqassappat iliuusissat annertuut suli ingerlanneqartariaqarput.

Nalunaarusiaq takussutissiivoq kommuni sukut qanorlu iliuuseqarqittariaqalertoq innarluutilinnut tapersersuinnermi suliaqarfimmi ukkassisumik sullissineq anguniarneqassappat.

Kommunip aaqqissuunneqarnerani allaffissornikkut Ingerlatsivimmi suliaqarfiit annertuut marluk; meeqqat tapersersorneqarnissaanut inatsimmi suliaqarfik aammalu innarluutillit tapersersorneqarnissaanut inatsit ataatsimoorullugit suliaqarfimmut pisortamit ataatsimit (fagchef) ingerlanneqarput, aammalu ingerlatsivimmi siunnersorti (konsulent) innarluutillit tapersersorneqarnissaanut inatsimmik kiisalu utoqqaat sullinneqarneranut siunnersortaajutigaluni suliaqarlutik. Arlaqartunik suliaqarfeqarnerup kingunerisarpaa, suliaqarfiit ulluinnarni tamakkiisumik suliaqarfineqarsinnaannginnera, faglig-mik suliaqarfiit saniatigut aningaasaqarnermut, sulisoqarnermut, avataani suleqateqarnermut, sulerusiornermut allaffissornikkullu suliat tamaasa suliarineqarlutillu akissusaaffigineqartarmata.

Suliaqarfik malunnaatillimmik pitsanngorsaavigineqassappat sulisoqarneq immikkut qiviarneqartariaqarpoq, suliaqarfiit ataatsimoorinneqarnerat allannortinneqarluni, suliaqarfiit immikkut inuttalerneqarlutik.

Innarluutillit tapersorneqarneranut suliaqarfik immikkut sulisoqarnikkut aaqqissuussiffigineqalerpat, suliat ingerlaavartumik ingerlanneqarnissaat qulakkeerneqarsinnaammat.

Nakkutilliinermi nalunaarusiaq toqqammavingalugu Avannaata kommunia akissuteqaasiornikuuvoq, akissuteqaataalu Ilaqutareeqarnermut ataatsimiitaliamut bilagitut ilanngunneqartumi akuerisassanngorlugu ingerlateqqippaa.

Inatsisitigut tunngavigisat:

- Isumaginnittoqarfiup aqunneqarnera aaqqissuussaanelu pillugit Inatsisartut peqqussutaat nr. 11, 12. november 2001-imeersoq, kingusinnerusukkut allannguuteqartartoq
- - Isumaginninnermi suliaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-meersoq
- - Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq (matuma kingorna innarluutillit tapersersorneqarnissaannut inatsit)
- - Inuit innarluutillit tapersersorneqarnissaannut Inatsisartut inatsisaannit Namminersorlutik Oqartussat nalunaarutaat nr. 29, 7. august 2020-meersoq
- - Meeqqat tapersersorneqarnissaannut Inatsisartut inatsisaat nr. 20, 26. juni 2017-imeersoq (matuma kingorna meeqqat tapersersorneqarnissaannut inatsit)
- - Meeqqat tapersersorneqarnissaannut Inatsisartut inatsisaat pillugu Namminersorlutik oqartussat nalunaarutaat nr. 6, 1. juni 2022-meersoq
- - Pisortat ingerlatsineranni suliaqarfik suliarineqartarnerat pillugu Inatsisartut inatsisaat nr. 9, 13. juni 1994-imeersoq kingusinnerusukkut allannguuteqartartoq (matuma kingorna pisortat ingerlatsineranni suliaqarfik suliarineqartarnerannut inatsit)

- - Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq kingusinnerusukkut allannguuteqartartoq (matuma kingorna pisortat ingerlatsinerannik paasitinneqarsinnaatitaanermut inatsit)
-

Suliamik isumaginnineq:

Ilaqutareeqarnermut Ataatsimiititaliaq.
Aningaasaqarnermut Ataatsimiititaliaq.
Kommunalbestyrelse.

Ilaqutareeqarnermut Ataatsimiititaliap aaliangernera:

Ilaqutareeqarnermut Ingerlatsivimminngaanniik Ilaqutareeqarnermut Ataatsimiititaliamut inassutigineqarpoq

Nakkutilliinermut inaarutaasumik nalunaarusiamut akissuteqaat akuereqqullugu Sulisoqarnermut aqqiissutissatut siunnersuut akuerineqassasoq

Aaliangerneq:

Inassuteqaat siulleq akuerineqarpoq.
Inassuteqaatip aappaa ilalerneqarpoq, aningaasaqarnermut ataatsimiititaliamut taama isikkoqartillugu ingerlatinneqassasoq.

Aningaasaqarnermut Ataatsimiititaliap aaliangernera:

Ilaqutareeqarnermut Ataatsimiititaliap Aningaasaqarnermut Ataatsimiititaliamut inassutigaa

Ilaqutareeqarnermut Ataatsimiititaliap inassuteqaatip aappaanut aaliangernera ilalerneqassasoq

Aaliangerneq:

Inassuteqaat:

Aningaasaqarnermut Ataatsimiititaliap Kommunalbestyrelsimut inassutigaa

Aningaasaqarnermut Ataatsimiititaliap inassuteqaatip aappaanut aaliangernera ilalerneqassasoq

Ilannussat:

Bilag 002-01: Nakkutilliinermut nalunaarusiaq
Bilag 002-02: Tilsynsrapport
Bilag 002-03: Høringssvar til tilsynsenheden vedr. udkast til tilsynsrapport
Bilag 002-04: Høringssvar til Tilsynsenhedens endelige tilsynsrapport
Bilag 002-05: Nakkutilliinermut inaarutaasumik nalunaarusiamut akissut

Aalajangiineq:

Ataatsiminneg naammassivoq nal.:

Atsiorfissaq:

- Aqqalu C. Jerimiassen (A) _____
- Knud Kleemann (A) _____
- Palle Jerimiassen (AT) _____
- Lena Ravn Davidsen (D) _____
- Bendt B. Kristiansen (IA) _____
- Jens Ole Nathanielsen (IA) _____
- Niels Davidsen (IA) _____
- Anthon Frederiksen (N) _____
- Jens Napâtok` (N) _____
- Ane Qujaukitsoq (S) _____
- Elisabeth Nielsen (S) _____
- Jens Kristian Therkelsen (S) _____
- Jakob Petersen (S) _____
- Jørgen Kruse (S) _____
- Magrethe Christensen (S) _____
- Sakio Fleischer, (S), _____
- Timotheus Petersen, (S) _____